


ZILENGAANO ZYA

WILLIAM BRANHAM

 Eyi teepu ilimu kupangilwa ku Bwami bwa Leza, mbuli Mbwe itondezya ku Mukwesu Lee Vayle ku bulembo. Mukwesu Vayle wandi lomba, omuno mu busyu bwa Mukwesu Mercier, ku—ku pa zilengaano zimwi zyakaindi. Mubwini, zilengaano awo mbuli . . . Ndi . . . i fir- . . . Cimwi ca zintu zitaanzi nze Ndi konzya kuyeeya, nzilengaano, ziboola. Zilengaano ziboola ciindi coonse. Pele kumane kusanduka kwangu mpaawo Mpe yeeya kuti waka yandisya, Mukwesu Vayle.

² Ee, Nda yeeya, ni Nda kamana kunaikwa mu mbungano, mbungano ya Baptisti, kwiinda aa Dr. Roy Davis, okuno ku Kagwagwa ka Watt mu Jeffersonville, oko mbungano nkoya kabede ku ciindi. Nda yeeya cilengaano comwe cibotu loko, kutali kwiinda ku mvwiki zisyoonto kumane yangu . . . kutandila i . . . Nda kali kunga ndaamba, mazuba masyoonto kumane kunanikwa kwangu. Nda kali . . . kabona cilengaano ca mudaala oyo wakali lede mu cibbadela, oyo waka pwaigwa. Wa kali muntu uusiya. Elyo wa kaponesegwa mpoonya awo, cakuti, cakaleta lupyopyongano lunji. Elyo wa kazwa mu bulo a kweenda kuzwa.

³ Elyo mazuba obile, kutandila mazuba obile, kumane eco, Nda kali kukosola miswaangano, ya miswaangano iitabbadelwe mu New Albany, maanzi, a magaasi, a—a mabbiilu a magesi. Elyo ci . . . Nda kazulwa loko a lutangalo! Ziindi zyoonse Nda kali kunga ndajana ng'anda yakaindi, Nda kali kunga nda njila a kukomba, nywebo mulizi, oko kutakwe muntu waka kkala.

⁴ Elyo Nda yeeya kwaambila Ba. Johnny Potts, abo bapona sunu. Uli muni loko, Nda yeeyela, ku myaka ili makumi ali ciloba na makumi ali lusele yakukomena. Wa kali sikubala wa amamita mudaala. Elyo baka bweza kuzwa ku kubala kwa mamita mpawo, alimwi baka mulazika aa desiki, ku kubweza matongausi a zintu, mbuli mbo kanjila ku mulyango, a mulimo kwiita. Elyo Nda kali kumwaambila eco Mwami ncaka nditondezya. Alimwi wa kali obo, mu ziindi zisyoonto, kubweza mamita masyonto akanyongana ayo muntu walyonse nga taka jisi. Elyo muli ceci, wa—wa kali kwaambila, muntu . . .

⁵ Kwalo, Nda kabona mu mutende, oko nkoba kajisi cikocikala cakaindi . . . Mu mazuba ayo, keenzya mbizi zyobilo, alimwi bala bweza tombe a masifwilila, mu kazila kamanikide. Kwakali mudaala uusiya wa zina lya Ba. Edward J. Merrell. Wa kali kukkala ku 1020 Kagwagwa kaku Clark mu New Albany. Elyo wa kaumwa a bantu bobile bakuwa, oyo wakali musimbi

mukuwa a i—a mulombe, katantide mu mootokala. Elyo wa kasweekelwa kweendelezya kabotu kwa mootokala, nkabela ya kapwayaula mu vwili lya wagoni. Elyo yaka pwayaula mafuwa oonse mu mubili wakwe, kutandila, alimwi balo kwiinda mu cibeela cakwe ca kaango, kapati. Wakauma sule lyakwe kuzwa mu busena. Elyo bakali mujisi mu cibbadela, kapati loko.

⁶ Elyo Ba. Potts, kaina mu i—i cibbadela omuya mu New Albany, waka mwaambila kuti kujatikizya Mwami kabeleka a ndime. Elyo wa kandi tumina kuboola, kuzo mukombela. Elyo mpoonya biyo, Nda kayeeya, “Oyo ngo muntu ngo Nda kabona mu cilengaano eci.”

⁷ Aboobo, Nda—Nda kali kuyoowa aniini kuunka, nkaambo oyo wakali umwi mutanzi, nywebo mwabona, kwiinka mbuli boobo. Aboobo, pele, nekubaboobo, Nda kaunka a kuyo jana mulongwe wangu wamunsi, oyo waka sandulwa, mulombe muniini muna Frenchi waka uzikidwe kuti George DeArk. Elyo Nda kamusololela buyo kuli Kristo. Elyo twa kaunka kutala. Elyo Nda kati, “Lino, Mukwesu George, Ndi—Ndi—Ndi yanda kuti muyeeye. Ezi zintu zicitika kuli ndime, Nse konzyi ku zimvwisya. Pele, amu yeeye, oyu muntu uyo ponesegeya. Elyo cindi aponesegeya, kuli. . .Nse konzyi ku mukombela mane bantu bobilo bakuwa baboola a kwiimikila ku lubazu lumbi lwa bulo, nkaambo Nde elede kucicita nzila mbo cakatondezegwa kuli ndime.”

⁸ Elyo Nda kanjila ku—ku cibbadela a kulomba Ba. Merrell. Elyo Nda kaunka okuya, elyo mukaintu wakwe waka ndaambila kuti wakali musyomesi loko. Elyo ta kakonzya kuputa nkaambo kakuti ekisi-reyi ya katondezya kuti amwi mafuwa aya akali lede moonya muni lya mapunga. Elyo ikuti na wa keenda, baa, inga cacita, inga cadonkola mapunga akwe a kumucitya kuzwa malowa ca lufu. Elyo wa kali mucimo cibyaabi loko. Elyo kwakali kusweka bulowa aniini kuzwa ku kameneno kakwe, a zimwi zimbi, nkaambo wakali kuzwa bulowa ku mulomo. Wa kali lede okuya kutandila mazuba obilo. Elyo mwaalumi wakali, ku ciindi eco, kutandila myaka ili makumi ali cisambomwe ayosanwe yakukomena, Nda yeeyela, makumi ali cisambomwe na makumi ali cisambomwe ayosanwe. Mwaalumi wacipati; kalezu kakwe kaatala, kalamfu, kakaba amvwi. Alimwi masusu aakwe akaba amvwi.

⁹ Elyo Nda kanjila a kwaambila mwaalumi oyu, nekuba, cilengaano nce Nda kabona kuzwa ku Mwami. Elyo bantu bakubusi baka njila, abo baka muuma. Elyo Nda kafugama ku mukombela. Elyo mpoonya biyo, oyu muntu waka kwiila, kaamba, “Nda ponesegeya,” a kusotoka mujulu. Elyo mukaintu wakwe, kasola ku mujatilila kusule, mu bulo. Elyo umwi wa musilisi uuciyi wakasika, kasola kujatilila mu bulo. Elyo wa kasotoka kuzwa mu bulo, kwa kacitya kubotelwa loko. Elyo cindi Ne kaunka ku i. . . Nda kati ku Mukwesu George. . .

¹⁰ Elyo mpawo umwi wa bacizi, cakali cibbadela ca Katolika, kanjila a kwaamba kuti Nde elede kuzwa omuya, aboobo kubamba oyo mwaalumi kubotelwa. Nkaambo, wa kajisi ntuntumaanzi, yakali kutandila foo handredi afoo. Elyo cintu ceenzu, cindi niba kamujosya mukati; i—i mupaizi, busena, alimwi madokotela bamwi baka mulazika, kamucitya kujokela ku bulo, nkaambo wa kali kusama zisani zyakwe. Alimwi cindi niba kabweza tempulica yakwe, ta kajisi tempulica.

¹¹ Lino, kuli bantu banji bapona sunu, abo bakabona cilengaano, baka cibona kacicitika, na kuziba kujatikizya ncico.

¹² Elyo Nda kaunka kubusena a kwiima aa matantilo, a kwaamba ku Mukwesu George, “Lino, ko langilila. Uyo sama bbaki lisalaluka a ngowani zyakubelesya. Uyo enda ncobeni kuselemuka matantilo aya, mu maminiti masyoonto.” Elyo mubwini wakacita. Wa kayutuka ncobeni a kweenda kuselemuka.

¹³ Elyo kutandila i—i—i busiku kumane eco, Mwami wakalibonya kuli ndime alubo, cifumo cimwi, kutandila buyo ku pasuka kwa buzuba, akundi tondezya mwanakazi mulema wakali mubyaabi, oyo wakali kuyo ponesegwa. Aboobo Nda kati, “Ee, Ndiyo—Ndiyo ziba antela awo mpabede.”

¹⁴ Elyo aboobo Nda kaselemuka a kupindamuna maanzi amwi, kutala, Nda syoma akaliko, koonse ku Kagwagwa ka Eighth mu New Albany. Elyo Nda kajisi. . . Kwakali buyake bupati bwabubili, elyo Nda kali kuyoowa kuti Nda kajula ku mabazu obilo. Lubazu lomwe, bantu bakali zwide; a lubazu lumbi, bantu bakaliko. Aboobo Nda kaunka ku lubazu lwa kajisi i—i bantu, bakakkala. Elyo Nda ka konkomona aa mulyango. Elyo ba kali ii—ii—ii bantu bacete ncobeni. Elyo musimbi muniini, ubotelezya kapati wakasika ku mulyango, mubwini usamide cabucete. Elyo waa—waa kati, “Ncinzi nco yanda?”

Nda kati, “Sa inga wasola maanzi, kubona kuti na taako?”

¹⁵ Elyo waa kati, “Iiyi, munene.” Elyo waa kaunka. Waa kati, “Peepe. I maanzi acicili.”

Nda kati, “Nda lumba.”

¹⁶ Elyo banyina, kabalede aa bulo, zina lyakwe wakali Muka. Mary Der Ohanian. Alimwi waa kali muna Armenia. Mulombe wakwe waka sobana, Nda syoma mbo cakabede, aa bbuwa lya New Albany, tiimu ya bbola. Elyo walo, mwana wakwe musimbi, wakali mu cikolo cipati. Zina lyakwe wakali Dorothy. Elyo waa kati. . . Dorothy waamba kuli ndime, “Sa toli muntu oyo wa Leza ngwa kaponya oko okuno mu cibbadela, buzuba bumwi? Baama bangu bayanda ku kanana kuli ndinywe.” Elyo Nda kanjila.

¹⁷ Elyo waa kandaambila kuti waa kali lede, kali mulema. Elyo waa kali mulema, mu bulo, myaka ili kkumi aciloba, kuzwa musimbi oyu nakazyalwa. Elyo aboobo musimbi wakali a myaka

ili kkumi aciloba yakukomena. Elyo aboobo Nda kamwaambila kuti . . . Waa kati, “Sena uli muntu oyo wa Leza wakaponya muntu oyo?”

¹⁸ Nda kati, “Peepe, baama. Nseli sikuponya. Nda kakombela buyo—buyo i—i muntu mulwazi, alimwi ndaka tondezegwa ku Cintucimwi eco caka ndaambila.” Nse kazyi nzila ya kuciita; cilengaano, na cintu. Nse kazi mbo cakabede, nekubaboobo. Nda kali mulombe buyo, wataa kwete a zintuzyonse. Elyo aboobo kwakali i . . . Oyu—oyu mulindu waka ndilomba mupailo, nkambo ka nguwe. Elyo Nda kamwaambila, “Andi kombe, lutaanzi, elyo mpawo ikuti na Mwami wandi tondezya kujoka.”

¹⁹ Elyo mpawo cindi Ne kaunka kuyo komba . . . Nda kabweza Mukwesu George. Elyo Nda kati, “Oyo mwanakazi oyo Ngwe—Ngwe kali kumwaambila oyo Ngwe kakombela. Ndi lizi ngu mwanakazi nguwenya. Koya andime.”

²⁰ Elyo twa kaunka kutala okuya kuyo—kuyo tuula mupailo. Elyo aboobo oyu musimbi muniini wa myaka ili kkumi aciloba, mubwini, mebo mulombe buyo mukubusyi. Elyo waa kajisi mukwesu, kutandila myaka ili cisambomwe, lusele yakukomena, cintucimwi mbuli ceeco. Elyo kwakali samu lya Krisimasi, lyakali mpoonya buyo kuzwa Krisimasi, kawimvwi mu ng’anda. Elyo bakaba kunze lya cisamu eci ca Krisimasi, ku kundiseka. “Kubamba banyina kuba kabotu.” Nda kamwaambila kuti Mwami uyo muponya. Elyo Nda . . . Mukwesu George a Ndime twa kaselemuka kuyo komba.

²¹ Elyo cindi Ne katalika kupaila, ee, oyo Angelo Ngwe bona, Oyo ngo mubona mu cifoto, Nda ka Ubona kaulengelela aa bulo. Ee, Nda katambikizya a kujata janza lyakwe. Nda kati, “Muka. Ohanian.” Lino, ukkala mu New Albany ndyoonya lino, walo a mulumi wakwe, mukwasyi. Elyo Nda kati, “Muka. Ohanian. I Mwami Jesu wandituma, a kundaambila kakutanaba kuboola, kuti, kuzo kukombela, nkabela wakali ‘kuyo ponesegwa.’ Ko buka ku matende aako, a kuba kabotu, mu Zina lya Jesu.” Maulu aakwe akabwezegwa kungsi lyakwe. Walo, a Bbaibbele lyakwe lya Armenia ku moyo wakwe, katalika kweenda kuya ku lubazu lwa bulo. Elyo mbuli mbwa kacita, waa . . .

²² Mpawo Saatani waka ndaambila, kati, “Wa mulekela kuuma cibuye eco, uyo tyola nsingo yakwe, kuzwa ku bulo obo busumpukide.” Nda kayoowa asyoonto.

²³ Elyo lyoonse Nda kalizi kuti ezyo zilengaano, tii Nda kazi kuti zyakali cinzi kaindi, ka ndaambila kuti zyakali luleme lyoonse. Aboobo Nda kazumanana, nekuba, kumulekela kuzwa aa bulo. Elyo Leza mukuba kamboni wangu, mbwa katalikila buyo, kusotoka kuzwa ku bulo obo, maulu obile akaololoka. Mwana wakwe musimbi waka kwiila, kakwela masusu aakwe, a kuzuzila mu kagwagwa, kakwiila loko mbuli mbwakali kukonzya. Basimukobo bazwa ku masena oonse. Elyo ngooyo

mbwakabede, kwa ciindi citaanzi kwa myaka ili kkumi aciloba, keenda koonse mu kaanda ako, kalumbaizya Leza. Nda kazwa, mpoonya biyo, kutantamuka kuli ncico.

²⁴ Kumane, Nda kazibilana a musimbi oyu mukubusyi, a kuunka a nguwe. Mubwini, eci ta ceelede kuba mu bulunguluzi, pele Nda kaunka a musimbi mukubusyi.

²⁵ Kutali ciindi cilamfu kuzwa eco, mvwiki zisyoonto, Nda kali mu ng'anda ya baama, mangolezya amwi. Elyo Nda kali kukomba, buzuba obo, elyo Nse—Nse kakonzya buyo kuboneka kuzwidilila, ku ii—ku ii—ii kuzunda mu mupailo wangu. Elyo Nda kayeeya, Nda kali kunga ndakkala buyo koonse. . . nywebo mulizi, kuyaambele ku bulo. Nda kali kukkala ku ng'anda, ku ciindi eco. Elyo aboobo Nda kanjila mu i—i kaanda, ku—ku komba. Elyo Nda. . .kali kutandila wani okuloko cifumo, Nda yeeyela. Elyo Nda—Nda kakomba.

²⁶ Elyo, mpoonya buyo, Nda kalanga. Elyo, baama, ba kali kubweza zisani zyakwe, kuzilundika buyo mu cuuno, nywebo mulizi. Twa kali bantu batakweankobaya. Elyo Nda kalanga, Cintucimwi cituba ciboola kuli ndime, elyo Nda kayeeya kuti Nda kali kulanga aa cuuno eco ca zisani. Pele Wa kali Angelo oyo wa Mwami, eelyo—eelyo Kkumbi, nywebo mulizi. Elyo Lya kaboola oko Nkwe kabede.

²⁷ Elyo Nda—elyo Nda kaliimvwi mu kaanda, niini, njo twiita kuti ng'anda ya “shootigani” yalo, ng'anda, niini itonkomene, twaanda tobilo muli njiyo. Elyo yaka yalidwe tupulanga awa ku lubazu, nywebo mwabona. Kwakali bulo buniini bwa kajisi cizibyo calubulo ku lubazu lwangu lwalulyo. Kwakali mwanakazi waka jisi masusu asiya ku mutwe kaimvwi kuyaama i. . . I kaanda komwe kakali kunjila mu nkiccini. Waa kaliimvwi kayeeme eco citendele ca nkiccini, kaomoka. Kwakali taata wakaimvwi kuli ndime, elyo waka ndiletela muvwanda, cakuti cintucimwi cakali lede aa cambia caco ciniini. Elyo kumwi, kuulu kwakwe kwa lumwensi, kwakali cisa konse, mane kwakali bikkidwe kuyaama mubili oyu muniini. Alimwi kuulu kwa lulyo, kulemana munzila ilangene. Maboko obilo kaazambidwe, alo, ku mubili wawo. Elyo mubili wakwe munini wakali nyonedwe akuzambailwa mane kusika *awa* ansingo yakwe. Elyo Nda kalibuzya, “Ino eci caambanzi?” Elyo Nda kalanga, nke kkede ku lumwesi lwangu, elyo mpaawo kwa kakkala mwanakazi mucembele, kugwisya magilazi akwe, akwaapukuta kuzwa ku misozi na cintucimwi aa magilazi akwe. Ku lulyo lwangu, aa cuuno caculala, eco ca keendelena ku cuuno, kwa kakkede mulombe, muniini waka jisi masusu asiyuka ku mutwe akavungene, kalangide mu mpulungwido.

²⁸ Elyo Nda kalanga, nkeimvwi kulaale ku lulyo lwangu, elyo mpaawo kwakaimvwi mu. . . oyo Angelo wa Mwami. Elyo Wa kati kuli ndime, “Sa oyu muvwanda inga waponaa?”

Elyo Nda kati, “Munene, Ta ndizi.”

Wa kati, “Amu bikke maanza anu ali nguwe. Uyo pona.”

²⁹ Elyo Nda—Nda kacita. Elyo muvwanda waka sotokela ansi, kuzwa i . . . kuzwa ku maboko aa taata. Alimwi kuulu kuniini, kwalulyo kwa kapilingene, a lubazu lwa lulyo kalupilingene, kuboko kwalulyo kakupilingene. Wa ka taamuka ntaamo imbi, a lubazu lumwi lupilingene. Wa taamuka ntaamo imbi, a lubazu lumbi luli kabotu, mubili, cibeela caakati kalulama. Elyo wa kabikka maanza akwe maniini muli lyangu, a kuti, “Mukwesu Branham, Nda ponesegwa cakumaninina.” Muvwanda muniini wakasamide kaovolosi ka bbulu ka buntonje, na ovolosi, cisani ciniini caku camba. Elyo wa kajisi masusu asalaluka, a mulomo, muniini, loko.

³⁰ Elyo mpawo Angelo wa Mwami waka ndaambila kuti Wa kali kunditola kubusena bumwi bumbi. Elyo Nda katolwa kulaale. Elyo Wa kandi kkazika ku lubazu lwa cuumbwe cakaindi, akundi tondezya myeelwe aa bbwe lya cuumbwe, muni lya mbungano. Elyo Wa kati, “Obu buyooba busena bwako bwa kulailila.”

³¹ Wa kandi tola mu busena bumbi. Elyo kwakali i . . . kalibonya mbuli kuti wakali mu dolopo liniini, a zintoolo zyobilo muli ndilyo. Elyo limwi lya kajisi mbele yayelo, boodi ya yelo a bwaanda. Alimwi Nda kainka alya, na kwiimikila alya. Elyo kwakali mudaala wakali kuyutuka, kasamide jakete lya bbulu lya buntonje, na jakete lya jiini lya bbulu na ovolosi lya bbulu, a ngowani yayelo yabuntonje. Wa kajisi kalezu katala, kapati ncobeni katuba.

Wa kati, “Uyo mutondezya nzila.”

³² Elyo ciindi cakatobela Nda kasika ku, Nda kabona kuti Nda kali kweenda mu kaanda, kutobela mwanakazi mukubusyi uneneede. Elyo mbuli Mbwe kanjila mulyango, kuyeeya mu pepa aa bulambo kwakali kusubila. Kutala ku mulyango waka jisi citondezyo, “Leza alongezye muunzi wesu.” Kwakali bulo bwa cizibyo cipati cakaindi, ca mukuba ku lulyo lwangu. A citofu cakamana kacikkede ku lumwensi. Elyo omuya mu kkona, kabikka musimbi wakali kutandila myaka ili kkumi ayosanwe yakukomena. Elyo waa kajisi poliyo na cintucimwi, eyo yaka lemanya kuulu kwakwe kwa lulyo. Elyo tende lyakwe lyaka nyonela ku mabazu, alimwi kwa kalemana kungsi lyakwe. Elyo waa—elyo waa kali kuboneka mbuli mulombe. Biyo, waa kajisi masusu mbuli a musimbi, elyo waa kajisi ii—ii milomo yaka bambwa mbuli moyo wa musimbi.

Elyo Wa kati kuli ndime, “Sa ulya musimbi inga weenda?”

Elyo Nda kati, “Munene, Ta ndizi.”

³³ Wa kati, “Koya ukabikke maanza ako aada lyakwe.” Mpawo Nda kayeeya kuti wakali mulombe, masimpe eeni, nkaambo

Walo kandibikka maanza angu aada lyakwe. Nda kacita mbuli Mbwa kandaambila.

³⁴ Elyo Nda kamvwa muntuumwi kaamba kuti, “Alumbwe Mwami.” Elyo Nda kalungumana. Elyo cindi ni Nda kacita, musimbi oyu wakali kubuka. Elyo cindi nakabuka, pajama nja kasamide, kuulu kwakwe kwa pajama kwaka boola, nkabela ya katondezya mazwi konse mbuli mazwi a musimbi akutaba acikoto, nywebo mulizi, mbuli mazwi a musankwa. Elyo Nda kaziba kuti wakali musimbi. Elyo waa kasamide pajama yakwe. Elyo waa kasika, kaboola kuli ndime, kakamuna masusu akwe. Ngwa masusu asiya, kakamuna masusu akwe.

³⁵ I musimbi ukkala mu Salem, asunu, ulikwetwe, alimwi ula bana botatwe na bone. Elyo banyina a bawisi baciliko okuya, abalo.

³⁶ Elyo aboobo Nda—Nda—Nda boola. Elyo Nda konzya kumvwa muntuumwi kaamba kuti, “Mukwesu Branham. . .” Na, “Mukwesu Bill! Oh, Mukwesu Bill!” Elyo baama bakali kundiita. Elyo Nda kayeeya. Nda kali kumvwa imwi, nzila imwi. Kuzwa ku cilengaano eco, nywebo mulizi, kubee takali kukonzya kuyeeya akwaamba kabotu. Elyo Nda kati, “Ino uyanda nzi, baama?” Mu kaanda katobela, oko nkwa kali koono.

Elyo waa kati, “Kuli muntuumwi ukonkomona aa mulyango wako.”

³⁷ Elyo Nda kacimvwa, “Mukwesu Bill!” Elyo Nda kajula mulyango. Kwakali mwaalumi waka njila. Zina lyakwe wakali John Emil. Walo ukkala mu Miami, Florida, lino. Elyo wa kati, “Mukwesu Bill, to ndiyeeyi pe.”

Nda kati, “Peepe. Nse syomi kuti Nda cita.”

³⁸ Kati, “Wa kandi bbizya a mukwasyi wangu. Pele,” kati, “Nda katola mugwagwa oyo ulubide.” Wa kati, “Nda kajaya mwaalumi, okuno ciindi cimwi cainda. Ka muuma kubelesya fwaindi, a kutyola nsingo yakwe, mu kulwana.” Kati, “Nda sweekelwa umwi wa balombe bangu baniini, umwi mupati maningi.” Elyo kati, “Muniini maningi uli lede ku muunzi, kafwa lino.” Elyo kati, “I dokotela wa dolopo okuno wakazwaa kuzwa, a kuti, ‘I mwana ujisi tumano tobilo.’ Elyo wakali kutandila kuleka kuyoya.” Elyo kati, “Ndi—Ndi—Ndi—Ndi buyo. . . Ko boola ku moyo wangu. Elyo ndalibuzya ikuti na inga waboola a kuba a mupailo a ncico.” Elyo kati, “Lino, mbuli mbo muzi, Ndili mweenima kuli Graham Snelling.” Kwalo, Graham Snelling, Muf. Graham Snelling lino, takali naba mukutausi ku ciindi eco; mulombe mubotu Munakristo. Wa kati, “Ngu mweenima wangu. Ndiya kunselelo kuyo muleta.” Eyo wakali kukkala kutandila cisela ca maile kuzwa kuli ndime, kunselelo mu dolopo. Elyo kati, “Ndi inka kunselelo kuyo mubweza. Elyo sa ula unka kutala?”

Nda kati, “Iyi, Ba. Emil, Mbwe ta samine buyo zisani zyangu.”

Elyo aboobo wa kati, “Ndiyo bweza mootokala wangu, a ku kutola kutala.”

Nda kati, “Ncibotu.”

³⁹ Kati, “Mbwe tamujanine buyo Graham. Elyo Ndi yanda kuti nyoonse mukombele muvwanda.”

Nda kati, “Ncibotu.”

⁴⁰ Aboobo mpawo Nda kaunka kuyo libambila. Elyo baama bakati, “Ino ndipenzi nzi?”

Nda kati, “Ngooyo muvwanda muniini weelede kuponesegwa.”

Elyo aboobo waa kati, “Kaponese gwa?”

Elyo Nda kati, “Iyi, baama.”

Elyo aboobo Nda kati, “Ndiyo kwaambila kunji kujatikizya ncico cindi Nda jokela.”

⁴¹ Aboobo mu ziindi zisyoonto, wa kakonkomona aa mulyango, elyo Mukwesu Graham wakali a nguwe. Twa kali kutanta awa, ku nzila mbo twa kazyi mbuli garagi ya maato eno, eyo yakali garaji ya Howard Shipyard yakaindi ku ciindi eco. Nda kati, “Ba. Emil, sena mula . . . Nkokuli nko kkala lino?”

Wa kati, “Kutala lya Utica.”

⁴² Nda kati, “Yebo ukkala mu kaanda kaniini, oko nko twiita kuti ng’anda ya ‘shotigani’ yalo, twaanda kaniini tobilo mukati.”

“Iyi, munene.”

“Kkala aa cilundu.”

“Iyi, munene,” wa kaamba.

⁴³ Nda kati, “Kapulanga kako—kako kakunsi awa kapangidwe cakunjizya a mpako, alimwi kapentedwe mubala usubila.”

Wa kati, “Mbo mbubo.”

⁴⁴ Nda kati, “I muvwanda muniini ulede mu bulo bwa butale. Elyo uli jisi mu ng’anda, nokuceya, mbali ya bbulu ya ovolosi akkodulo.”

Waamba, “Ula asamide.”

⁴⁵ Elyo Nda kati, “Elyo muvwanda mulombwana muniini, kutandila myaka yotatwe yakukomena. Alimwi akwalo ujisi mulomo muniini uzwide meno, tusolo tuniini tukotede. Alimwi ujisi masusu mauba asalaluka.”

Wa kati, “Obo mbwini.”

⁴⁶ Nda kati, “Muka. Emil walo mwanakazi ujisi masusu asiya ku mutwe. Alimwi mukaanda aka, mujisi cuuno caculala a cibbula cisubila.”

Wa kati, “Sa wakasola kuba okuya, Mukwesu Branham?”

Nda kati, “Kaindi buyo kainda.”

“Ii kaindi kainda?” wa kaamba.

Nda kati, “Iiyi.”

“Baa,” wa kati, “Nse na kubwene.”

47 Nda kati, “Peepe. Cali ca kumuuya.” Nda kati, “Ba. Emil, mwaka ndimvwa kwaamba, ikuti na Nda mu bapatizya, ku zintu ezyo zicitika kuli ndime. Eco ndiza. . . Nda bona zintu kacitana citika.”

48 Wa kati, “Iiyi. Sena cintucimwi mbuli ceeco cakacitika kuli nduwe, Mukwesu Branham?”

49 Nda kati, “Iiyi. Elyo Ba. Emil, kufumbwa eco Ca kaamba kuli ndime, tacina ndaambila bubeji. Muvwanda wako uyo ponese gwa cindi Nda kusika okuya.”

50 Elyo wa kaimika mootokala, kawida ku vwili, kati, “Leza, koba siluse kuli ndime. Kondi josya, O Mwami.” Mwabona? “Elyo Nda Ku syomezya, ku ponena Nduwe, mazuba angu oonse, ikuti na Uyo vuna buumi bwa muvwanda wangu.” Elyo ngooyo wa kapa moyo wakwe kuli Kristo. Twa kanjila mu ng’anda, kabotelwa maningi kujatikizya nguwe, buntu kabu josegwa kuli Kristo.

51 Cindi nitwa—cindi nitwa kanjila mu ng’anda, mpaawo kwakabikkidwe zintuzyonse mbubonya buyo nzila mbo cakabede, biyo kuti mucembele takaliko okuya. Cakubotelezya, kabotelwa loko, Nda kati, “Mundi letele muvwanda.” Elyo muvwanda kaponi buyo mu buyumuyumu. Mwabona? Oko “kugozya,” bwakali buumi bwakazwa mu muvwanda. Ca kali maninide buyo kusika *awa*, kameneno kakwe kaniini. Elyo Nda kati, “Kondiletela muvwanda.” Kutali kulindila cilengaano kuti cizulizigwe.

52 Mukwesu Vayle, ikuti na eyi paadi ya keelede kubikkwa *awa*, Nse konzyi kwaamba bbala kusikila eyo paadi ya bikkwa alya. Mwabona? Yeelede kuba nzila buyo mbo Ca kandi tondezya.

53 Aboobo Nda kati, “Ko ndi letela muvwanda.” Elyo bataata baka leta muvwanda kuli ndime, elyo Nda kamu kombela, nkabela wakaindila kubija. Aboobo Nda kayeeya, “Lino cintucimwi. . .” Wa kaswekelwa kuyoya kwakwe ncobeni, alimwi bakacita kulwana a kusukana, azintuzyonse, ku mubamba kuyoya muli ncico. Nda kayeeya, “Lino, kuli cintucimwi cilubide.”

54 Elyo Nda kayeeya, “Ulikuli mwanakazi mucembele?” Oyo takaliko.

55 Aboobo baka bweza muvwanda, ka mulazika ansi. Ba kali kubikka zintu kungsi lya mpemo yakwe, zintuzyonse, a kulila.

I mutumbu kakwiila, kalila cakuyoowa, a zintuzyonse. Pele muvwanda wakali kuyoya buyo—buyo mu buyumuyumu.

⁵⁶ Nda kayeeya, “Ee, kwiinda mu bufuba bwangu—bwangu, Nse kacibelesya kabotu cilengaano ca Leza, nkaambo Nse ka Ci lindila, muku botelwa loko.”

⁵⁷ Kuli ceeci, inga wabona, Mukwesu Vayle, baa Nda lindila. Nse kwe ndaba oyo undaambila. Nda kuyanda mbuli mukwesu wangu. Mukwesu, uta soli, ndaambila cintucimwi cakucita, cindi Nda—cindi Nda limvwa kuti Ndi—Ndi jisi luyando lwa Mwami. Mwabona? Takukwe makani obo mbo ciboneka kabotu nzila imwi, Njo Mu lindila. Mwabona? Elyo—elyo aboobo Nda—Nda kaiya ciyo mpoonya awa, myaka minji, minji, minji yainda; a kucita mbubonya eco Nca amba, a kuta cicita kusikila Wa amba kuti cili bambidwe kucitwa.

⁵⁸ I muvwanda wakali kulwanina kuyoya. Lino, Nse kakonzya ku baambila eco Nce kacita, pele Nda kacita buyo kulindila. Nda kayeeya, “Ndiza luzyalo luyo lulangalanga, nkabela Wa ndijatila.” Ee, Nda kaunka, kakkala acuuno.

⁵⁹ Ba kalwanina buumi bwa muvwanda kusikila ku kupasuka kwazuba. Cindi buzuba nibwa kapasuka, bakali kuyeeya kuti muvwanda nakafwa kufumbwa ciindi. Ee, Nda kakkala awo. Elyo baka zumanana kundibuzya, “Mukwesu Branham, ino tweelede kucita nzi?” Na, “Mukwesu Bill,” ba kandiita, “ino Nde elede kucita nzi?”

⁶⁰ Nda kati, “Ta ndizi.” Mwabona? Nda kakkala alya, mutwe wangu kauvundeme, kati, “Mwami, akaka kondi jatila.”

⁶¹ Ee, elyo mpawo caka boola mumuni wasikati. Mukwesu Graham Snelling wakacita kuunka ku ncito. Aboobo Ba. Emil bakali ku mutola, alimwi Nda kalizi kuti Nda keelede kuzwa mu ng’anda.

⁶² Elyo, nekubaboobo, Mukwesu Graham wa keelede kukkede alya, nkaambo ujisi masusu atubuluka, masusu avungene, mbuli mbo muzyi. Wa keelede kuti kakkede acuuno eci caculala. Aboobo Nda kali kkede awo Mukwesu Graham mpa keelede kukkede, pele mucembele takaliko. Elyo kwiina mwanakazi mucembele ku busena. Aboobo Nda kakkala awo. Elyo aboobo Ba. Emil baka sama bbaki lyabo.

⁶³ Mpawo Nda kalizi, na Mukwesu Graham wazwa, cakali ciyumu kuziba cindi nakali kuyo joka. Mwabona? Elyo mpawo Nda kaziba, nekubakuti mwanakazi wakasika, mpawo Mukwesu Graham inga taabako. Aboobo mwabona musyobo wa ciimo Nce kabede.

⁶⁴ Elyo aboobo Ba. Emil ba kati, “Mukwesu Branham, sena uyanda kuunka?” Na, “Mukwesu Bill, uyanda kuya ku muunzi? Sa uyanda kuti ndikutole kunselelo ku muunzi?”

65 Nda kati, “Peepe, munene. Njo lindila buyo, ikuti na ula yanda.” Ndila bijilwa kukkala omuya mu ng’anda, muvwanda buyo a banyina, lwangu, nkaambo bakali bantu bakubusyi. Balo, walo, wakali kutandila myaka ili makumi obilo ayosanwe yakukomena, Nda yeeyela. Elyo Nda kali kutandila kukomena kwa musela nguonya. Elyo Nda kati, “Peepe. Ndiyo buyo—Ndiyo lindila buyo, ikuti na ula yanda.”

Wa kati, “Kuli kabotu, mukwesu, Mukwesu Bill.”

66 Elyo aboobo mutumbu keenda aa cibuye, kalila cakuyoowa, a kusola ku. . . kalila a zintu zyoonse, nywebo mulizi. Elyo muvwanda uliindide kubija. Mwabona? Uboneka buyo mbuli, kufumbwa miniti, kubaanga nkujata kuyoya kwakwe, mbuli *obo*, kuyabuya, *aye, aye*, nkukoonse kwakaliko, kuyoya, kwakali muli nguwe. Elyo taakwe. . . Tiiba kajisi peninisilini a zintu, mazuba ayo, nywebo mwabona. Aboobo ba buyo—ba kabikka pulasita aali ngawo, a zintu mbuli ezyo. Pele muvwanda muniini wakali ijisi kwa mazuba masyoonto. Elyo wa kaunka, mwabona, na kwiinka.

67 Elyo, mpawo, Nda—Nda kakkala alya. Nda kayeeya, “Ma, ikuti na Graham wainka. . .” Graham wakasama bbaki lyakwe, elyo wa katalika kuzwa ku mulyango.

68 Elyo wa kati ku mukaintu wakwe, wa kati, “Lino, tuyo jokela, mu kaindi buyo kaniini.”

69 Nda kayeeya, “O Leza, mpawo Njo elela kukkala okuno buzuba boonse, alimwi ndiza busiku boonse, alubo, mwabona, kulindila cilengaano eco. Ino inga Nda citanzi?”

70 Elyo Nda kalanga aanze lya mpulungwido. Elyo nkeboola kunzuluka ng’anda, kwa kaboola muvwanda wa banene mukati omuya. Elyo, ee, Nda kaiya akale, wakali banene. Elyo waa kasamide magilazi. Nda kayeeya, “Nce ncico, Mwami, ikuti—ikuti na Graham taunki buyo kuzwa ku mulyango.” Aboobo, lyoonse waka boola ku mulyango wa kumbele. Pele, kumwi, tabazyi nokuba, asunu, pele wa kajokela ku citendele cakusule, wakanjila mu nkiccini. Elyo wa kanjila mu nkiccini, ng’anda, niini yakaindi. Elyo mbuli mbwa kasika ku mulyango, mwana wakwe musimbi wakazuza okuya a kumumyonta, nkaambo wakali musimbi wa banyina, nywebo mulizi, a ku mummyonta. Elyo Mukwesu Graham. . .

Mpawo waa kati, “Sena muvwanda uli kabotu?”

71 Waa kati, “Baama, uli mukufwa.” Elyo waa katalika kukwiila mbuli boobo, a banyina kabalila.

72 Mpawo Nda kayeeya, “Ikuti na eci ciyo beleka buyo, lino, ikuti na Graham ta kaunki.”

73 Elyo Nda kanyamuka. Elyo Nse kakonzya kwaamba cintu, nywebo mwabona, amulindile buyo. Elyo Mukwesu Graham wa keenda konse. Nda kanyamuka kutegwa kakonzya kukkala

acuuno. Elyo wa...Elyo abo bakali bbululu bakwe bamwi, nywebo mwabona, aboobo wa katalika buyo kulila, awalo, a kukkala aa cuuno cakulala oko nkwa keelede ku kkede.

⁷⁴ Nda kayeeya, “Lino, ikuti na oyo mucembele uyo boola kuzunguluka a kukkala mu cuuno eci cisalala!” Elyo Nda kajoka ku mulyango oko Ba. Emil nkoba kaimvwi, kasamide bbaki lyakwe, a kulibambila kuunka ku masena. Bube bwaciindi butontola loko, guwo lya caanda kalitontola. Elyo Nda kayeeya... Alimwi waka kkala mu cuuno eci.

⁷⁵ Elyo Graham waka kkala ansi, a kuyubya mutwe wakwe ansi. Elyo banyina wa muvwanda, wakabikka janza lyakwe aa mulyango, a katalika koomoka. Mbubonya buyo cilengaano! Elyo mulindu mucembele waka kkala. Elyo mubusena bwa njiyo kuba misozi, kumaninina, aa magilazi akwe; iizwa ku kutontola, kwa kaabikka gubilizi. Elyo waa kanjila mu bbulifukkesi yakwe niini a kugusya katambala kaniini, alimwi, na kabbeke kaniini, a katalika kupukuta magilazi aya. [Mukwesu Branham wanontola tunwe twakwe—Mul.] Mukwesu, eco cakali ncico.

⁷⁶ Nda kati kuli Ba. Emil. Nda kati, “Ba. Emil, uci jisi kaanzambwene muli ndime mbuli mulanda wa Kristo?”

Wa kati, “Nda cita ncobeni, Mukwesu Branham.”

⁷⁷ Nda kati, “Nda konzya ku kwaambila eno. Nda kanana kumbele lya cilengaano, kaindi kainda, ako nke kaambo tii cacitika. Ikuti na ucijisi kaanzambwene muli ndime, koya ukalete muvwanda wako.” Oh, ma! Nda cibona kuti cakali luleme, mpawo, nywebo mwabona. “Koya, ndi letele muvwanda wako.”

⁷⁸ Wa kati, “Ndiyo cita kufumbwa cintu nco ndaambila kucita, Mukwesu Bill. Inga neta yoowa ku cibweza.” Nkaambo, nibaka cibweza, ca keenda buyo, kuyoya kwa kacisiya kumaninina. Kaleta muvwanda muniini kuli ndime. Katambikizya a kumu bikka mu maboko akwe, waka muleta kuli ndime, a kwiima awo.

⁷⁹ Nda kabikka janza lyangu aali nguwe, kati, “Mwami, jatila bufuba bwa mulanda Wako. Mwabona? Nda kanana kumbele lya cilengaano Cako. Pele lino acizibwe kuti Nduwe Leza wa majulu a nyika.”

⁸⁰ Takucikwe limbi, kaamba kuti, muvwanda muniini waka fusa maboko aali bawisi, katalika kukwiila a kulila, kaamba, “Taata, Nda limvwa kabotu eno.” Mwabona?

⁸¹ Nda kati, “Ba. Emil, lekela muvwanda muniini alikke. Kuya kutola mazuba otatwe kacitana kuzwa, nkaambo caka bamba ntaamo zyoatatwe, kuzambuluka.”

⁸² Nda kaunka ku muunzi, elyo Nda ka caamba mu mbungano yangu. Nda kati, “Ndila jokela.” Omo mwakali mu Muvulo. Nda kati, “Bwatatu masiku, kumbele lya mbungano, Ndi inka kutala okuya.” Ba kali bantu bacete, nkabela twa kacitila

cinzuma ca zilyo azya kubelesya, kuba tolela. Aboobo Nda kati, “Ndi yanda kuti nyoonse muunke, elyo cindi Nda kuunka okuya. Elyo mulakonzya kusika ku ng’anda. Elyo cindi Nda sika ku busena obo, oko ng’anda eyo nkoibede, amu langilile a kubona ikuti na oyo muvwanda muniini tabooli aa cibuye, a kalezu kaniini katala kakabambidwe *awa*, awo mpanywida mukupa wa chokoleti na cintucimwi. Mwabona? Elyo kubikka maanza akwe muli angu, a kwaamba majwi aya kuti, ‘Mukwesu Bill, Ndili kabotu cakulondoka.’ Oyu muvwanda muniini wa myaka yotatwe yakukomena. Amulangilile a kubona ikuti na taci citiki.”

⁸³ Mukaintu wangu lino, Meda, kulaale katutana kwatana, aboobo waa kali mu nkamu. Elyo katundu wa traki wakauka kuli bikka beni ku ng’anda, mwabona, kundi bona cindi Ne keenzya kuya mu traki ya Public Service Company yakaindi eyo Nje kajisi ku n’anda busiku obo. Nse kajisi mootokala wangu uli oonse. Kaizwide itwe kusule, a zintu, nywebo mulizi, oko nko Nda kali kulifulida buzuba obo, a kubamba zintu. Waka nyamuka kumbele, kaima. Wakatanta kkota; waka konkomona aa mulyango. Elyo tiiba baka jisi tukkapeti a cibuye cakaindi ciniini. Elyo banyina bakasika aa cibuye, kati, “Baa, walo Mukwesu Bill,” mbuli boobo. Elyo bantu bakali kulanga mu mpulungwido, ku ciindi, kubona eco cakali kuyo citika.

⁸⁴ Elyo mu kkona, kasobana, wakali mulombe oyu muniini, buzuba bwatatu. Nda kaima, nketana kwaamba ijwi. Elyo kaboola, keenda buniini a cibuye, kabikka maanza akwe maniini muli angu. Aa i. . . Kali kunywa mukupa wa chokoleti, kalezu kakwe kaatala kaniini, mbuli, atala *alya*, kuzwa mu mukupa wa chokoleti. Kabikka maanza akwe mujulu muli angu, kati, “Mukwesu Bill, Nda ponesegwa cakumaninina.” Huh!

⁸⁵ Busiku obo, ku mbungano, Nda ka caamba. Nda kati, “Ngooyo musimbi mulema, kubusena bumwi, oyo uubulide.” Nda kati, “Mbungano, Ta ndizi zintu ezi nco zyaamba. Nse konzyi ku kwaambila.”

⁸⁶ Elyo—elyo aboobo Nda kali kubeleka ku Public Service. Elyo Nda yeeya buzuba bumwi, kutandila mvwiki kumane ceeco, Nda katalika kusiya buyake, nkezwa. Ba. Herb Scott, bakkala okuno mu dolopo ndyoonya lino, wa kali simalela wangu. Elyo wa kati. . . Nda katalika kweenda kunselelo. Wa kati, “Billy?”

Nda kati, “Inzya.”

Kati, “Kotana inka, Ndi jisi lugwalo awa lwa nduwe.”

Nda kati, “Mbubo, Herbie. Ndila mubweza mu kaindi kaniini.”

⁸⁷ Elyo—elyo aboobo Nda kaunka kuyo bweza mulimo wangu umbi, Nda kali kulangalanga. Aboobo Nda kaunka kuyo bweza mulimo wangu umbi. Elyo cindi Ne—Ne kacita, Nda kayeeya lugwalo olo. Nda kaunka a kuyo lubweza, ku lujula. Elyo kati,

“Nomuyandwa Ba. Branham,” mwabona, kati, “zina lyangu ngu Nail. Ndime Muka. Harold Nail. Tu kkala ku busena butegwa South Boston.” Elyo kati, “Tuli ba Methodist, ku lusyomo. Elyo Nda kacitika kubala bbuku liniini eelyo ndo kalemba, litegwa *Jesu Kristo Mbubuca Nguwenya, Sunu, Amuya Myaaka*, kabbuku kaniini. Elyo twa kali kuba a muswaangano wa mipailo mu ng’anda yesu, busiku bumwi. Elyo twa kamvwa zya nduwe kozwidilila, kukombela balwazi.” Elyo kati, “Ndi jisi mwana musimbi upenzegwa, myaka ili kkumi ayosanwe yakukomena,” kati, “oyo ulede aa bulo bwa kupenzegwa. Elyo bumwi, Nse konzyi buyo kucigwisya mu mizeezo yangu, kuti Nde elede kumucitya kuboola kuzo kombela musimbi oyu. Sa inga wa cicita? Wako wini, Muka. Harold Nail. South Boston, Indiana.”

Nda kati, “Yebo ulizi, oyo ngo musimbi. Ngo nguwe.”

⁸⁸ Nda kainka ku ng’anda, kaambila baama, ka baambila kujatikizya ncico. Nda kati, “Oyo—oyo ngo musimbi.” Elyo mpawo busiku obo, ku mbungano, Nda kati ku mbungano. Nda kati, “Mboobu obo—obo—obo mbo busena.” Nda kati, “Sa kuli umwi uuzyi South Boston nkoibede?”

⁸⁹ Elyo Mukwesu George Wright, nyoonse muli zibilene kabotu a nguwe, wa kati, “Mukwesu Branham, cili . . . Ndi yeeya kuti ili kunselelo ku South.”

⁹⁰ Aboobo buzuba bucilila, beenzuma bangu bobilo, a mukaintu wangu, oyo eno uliko, a mwaalumi a mukaintu wakwe kuzwa ku Texas. Na- . . . mazina abo akali Brace, Ad Brace. Walo ukkala kumusanza okuno lino, kumusanza ku Milltown, mulimi. Wa kali simpulazi ku masena Kumbo. Elyo wa kalongela okuno kuti abe mumsi ku mbungano. Elyo Nda kakombela mukaintu wakwe, nkabela waa kaponesegwa ku cilwazi ca kakweekwe. Elyo aboobo wa kali kuyanda kubona eci kucitika. Nda kati, “Koya andime, akubona na ta cicitiki nzila eyi buyo.” Aboobo mulindu takalina bwene cilengaano, Muka.—Muka. Brace. Aboobo mukaintu wangu wakainka andime. Elyo Mukwesu Jim Wiseheart, mwaalu mudaala, ula yeeya, mbungano okuya, daikona mudaala, wa kali kuyanda ku cibona. Nda kajisi kootokala katakwe ciluli, kakaindi mpawo, elyo Nda kaalundika onse omuya.

⁹¹ Elyo twa kaselemuka kunselelo lya New Albany. Elyo Nda kajana citondezyo eci, elyo Nda kaboola kujana kuti, tii cakali ca South Boston. Wa kali ku New Boston. Aboobo mpawo Nse kazyi kwa kuya, aboobo Nda kapilukila ku Jeffersonville a kubuzya muntuumwi. Elyo muntu umwi wakaunka ku posti ofesi, ba kati, “South Boston uli atala lya Henryville.”

⁹² Aboobo Nda—Nda kaunka kutala ku Henryville, nkabela Nda kabuzya okuya. Elyo ba kati, “Konyonena ku mugwagwa oyu. Akali kutandila mamaile aali kkumi aosanwe, kusule lya mamanino *awa*, uyo jana busena buniini. Uka cenjele, uyo

bwiimpya,” kati, “nkaambo nka cintoolo buyo comwe ciniini. Elyo citoolo cili jisi posti ofesi, zintuzyonse zimbi, muli ncico. South Boston, omuya mu mamanino aya.” Kuli mayekele ali zyuulu zili seveintiini omuya, nywebo mwabona. Elyo eyi ili kunze lyayo, mu zilundu okuya.

⁹³ Aboobo twa kazumanana, kaweenda ambali. Elyo mpoonya buyo, Nda kalimvwa bweenzu loko, kumane kweenzya, mamaile osanwe na cisambomwe, Nda kalimvwa bweenzu loko. Nda kati, “Ta ndizi.”

Ba kati, “Ndipenzi nzi?”

⁹⁴ Nda kati, “Nda syoma oyo—oyo Umwi waambaula kuli ndime, uyanda kwaambaula kuli ndime, aboobo Ndiyo siya mootokala.”

⁹⁵ Aboobo Nda kazwa mu mootokala. Elyo banakazi kaba kkede a mabelo a banakazi, nywebo mulizi, azintu zyonse, ako kootokala kakaindi katakwe ciluli. Elyo Nda kazwa mu mootokala, a kuunka kunze lya mootokala. Elyo Nda kakotamika mutwe wangu ansi, kabikka tende lyangu aa bbampa, kusule lya mootokala. Elyo Nda kati, “Taata Wakujulu, ino Yebo uyanda kuti mulanda Wako azibe nzi?” Elyo Nda kakomba. Taakwe cintu cakacitika. Nda kalindila maminiti masyoonto. Elyo Nda kayeeya, “Ee, Wa. . .” Kanji oko kuli nkamu ya bantu mbuli obo, Nde elede kulijata lwangu. Elyo aboobo Nda kalindila maminiti masyoonto.

⁹⁶ Nda kacitika ku kwelelezegwa, kulanga okuya. Nda kacitika kuyeeya kuti, “Ee, langisya awa, njeeyi mbungano yakaindi ilikkede awa.” Elyo ikuti na wakasola ku. . .Ni Mbungano ya Bunker Hill. Elyo Nda kalanga ku lubazu, Mbungano ya Banakristo ibaku Bunker Hill, elyo kwakali mabwe aamalandu aa namaumbwe, nkoonya kumbele lya mbungano.

⁹⁷ Elyo Nda kaunka okuya. Nda kati, “Lino nyoonse muli jisi magwalo.” Nse nabede mu cisi eco, mu buumi bwangu. Nse kaliko atala aalya, kulikoonse, mu buumi bwangu. Elyo Nda kati, “Muli jisi mazina a myeelwe akuboola okuno, kubona na eco na tacili ncico aa bbwe lya cuumbwe.” Elyo nceeco mbo cakabede, mbubonya buyo. Nda kati, “Nce ncico. Tuli mu mugwagwa uululeme lino.” Nda kati, “Oyo wakali Angelo wa Mwami.” Mwabona, Nda kaina moonya muni lya ncico, a kuta ciziba. Aboobo, oh, Uli londokede.

⁹⁸ Elyo aboobo twa kazumanana kweenda a kuyabuya. Cakugama Nda kaswaana mwaalumi, elyo Nda kati, “Sa inga wa ndaambila oko South Boston nkwa bede, munene?”

⁹⁹ Wa kati, “Yebo jokoloka kululyo a kulumwensi,” nywebo mulizi, azimwi mbuli ezyo. Elyo twa kazumanana buyo kuyabuya.

¹⁰⁰ Aboobo nikwakainda kaindi, twa kanjila, Nda kabona, Nda kaboola mu busena buniini. Elyo caka jisi musyobo wa muunzi muniini, mbuli. Elyo Nda—Nda kalanga. Nda kati, “Nce ncico. Nce ncico, mpoonya alya.” Nda kati, “Kuli i . . . Kuli, ndeelyo bbuwa lya yelo.” Elyo Nda kati, “Lino, amulangilile. Mwaalumi ula yutuka awo, kasamide ovolosi lya bbulu, ya buntanje iituba . . . na ngowani yayelo ya kkodulo, kajisi kalezu kaamvwi kaatala, a kundaambila kwa kuya. Ikuti na takuli obo, Ndime sikwaana twaano mupati.”

¹⁰¹ Elyo aboobo boonse bakali kulindila. Elyo—elyo Nda keenya kumbele, kumbele lya busena. Elyo mbo Nda keenzya kumbele, kumbele, mpaawo kwa kaboola mwaalumi kasamide nsuuti ya bbulu, elyo ngowani yayelo ya kkodulo, a kalezu kaatala kaalamvwi. Elyo Muka. Brace wakawizuka mu mootokala, mukubona kuti caka citika, mbuli boobo.

Nda kati, “Munene, saq ula ndaambila oko Harold Nail nkwabede.”

Wa kati, “Iyi, munene.” Kati, “Sena wakazwa ku South?”

Nda kati, “Iyi, munene.”

¹⁰² Wa kati, “Wa ka kwiindilila. Kutandila cisela ca maile kuselemuka mugwagwa, wa kanyona, mugwagwa mutaanzi ku lumwensi. Koya kutala, nkabela uyojana butala bupati busubila, elyo uka njile omuya mu butala obo busubila.” Kati, “Ni ng’anda yabili ku lulyo lwako, mbuli mbo nyona mu kazila kaniini mbuli mugwagwa.”

Nda kati, “Iyi, munene.”

Wa kati, “Nkaambonzi?”

Nda kati, “Uli jisi mwana musimbi upengede. Embo na?”

Kati, “Iyi, munene. Ula cita.”

¹⁰³ Nda kati, “I Mwami uyo muponya.” Elyo mudaala waka talika kulila. Mwabona? Ta kazi. Elyo aboobo wa kasanganisigwa mu cilengaano. Ta kazi eco cakali kucitika.

¹⁰⁴ Nda kavuuluka. Twa kabweza Muka. Nail kubaanga nku bukulusya alubo. Elyo katanta alya, keenda kumbele lya lubuwa. Kazwa mu mootokala, katalikila mukati. Katalika kutanta busena ku i . . . nywebo mulizi, ku busena mpo cakabede. Elyo mwanakazi mukubusyi uneneede wakasika ku mulyango. Nda kati, “Ngoooyo mbwabede.” Mwabona?

Elyo aboobo waa kati, “Wapona buti?”

Elyo Nda kati, “Wapona buti?” Nda kati, “Ndili—Ndili Mukwesu Bill.”

¹⁰⁵ “Oh,” waa kati, “Nda—Nda—Nda kali kuyeeya kuti mbo kabede.” Waa kati, “Sena waka lutambula lugwalo lwangu?”

Nda kati, “Iyi, baama, Nda kacita.”

Waa kati, “Ndime Muka. Harold Nail.”

¹⁰⁶ Nda kati, “Ee, Ndili kkomene ku kuziba, Muka. Nail. Elyo eyi ni nkamu niini buyo yaboola a ndime, kuzo kombela musimbi wako.”

Kati, “Iyi.”

Nda kati, “Uli bambila kuponesegwa.”

¹⁰⁷ Waa kati, “Inzi?” Elyo milomo yakwe yakatalika kugwinya. Waa katalika kulila.

¹⁰⁸ Nda kati, “Iyi, baama.” Elyo Nse—Nse zyi; Nse naimina mwanakazi.

¹⁰⁹ Nda keenda nkoonya kunselelo lya hoolo, a nkamu yangu kai nditobela. Cindi Ne kajula mulyango ku lulyo lwa hoolo, muunzi, mupati, wakindi wacisi, kajula mulyango, mpaawo kwakli wayelo mute- . . . na mapepa ayelo ku bwaanda, nombolo zisubila; citondezyo, “Leza alongezye muunzi wesu;” bulo bwaka jisi cizibyo ca mukuba; citofu cakamana kacibi kkidwe ku lumwensi lwangu. Elyo kwakali kalo kaniini kaka bikkidwe alya, a musimbi oyu wakali kulibonya mbuli mulombe kalede muli nkako.

¹¹⁰ Lino cintucimwi cakacitika. Nda kali atala mu kkona lya kaanda, nkelangilila mubili wangu kuya ku bulo obo. Elyo Nda kabikka maanza angu mpoonya atala lya mwida lyakwe, mbubonya nzila Mwami mbwa kaamba. Elyo cindi Ne kacita ceeco, cindi Muka. Nail nakeenda mu kaanda a kubona ceeco, waa kazumanana kuyaansi a cibuye, alubo, wakawizuka. Walo musyobo wa muntu mukompami, nkabela waa kawizuka aa cibuye, alubo. Elyo Mukwesu Nail wakali kusola kubeleka a nguwe. Elyo Mukwesu Jim mudaala kaimvwi alya, kaamba kuti, “Lelekwe Mwami,” kajatilide maanza akwe antoomwe, ikuti nyoonse ni mwalizi obo mbwa kalilemeke. Elyo aboobo mpawo Nda kalanga ali ceeco, elyo Nda kabona ceeco.

¹¹¹ Elyo Nda kabikka maanza angu ali nguwe, na aada lyakwe, mbuli *boobu*. Nda kati, “Mwami, Nda cita eci ku kulaililwa kwa, oko Nkwe yeeya kuti mbo kubede, Leza kandaambila kucicita.” Elyo kutandila ciindi eco, waa katalika kulila, nkabela waa kasotoka mujulu.

¹¹² Elyo baka imikizya Muka. Nail ku matende akwe. Waa kali sinsimukide, kuzwa ku mabibo akwe akuwizuka.

¹¹³ Elyo cindi musimbi naka sotoka kuzwa aa bulo, mpaawo kwa kaboola kuulu aakwe kusamine pajama aatala lya kuulu kwalulyo, mbubonya buyo nzila mbo caka tondezya mu cilengaano. Elyo mpaawo kwakali mazwi bulungusene aa musimbi, mucibaka ca mulombe.


¹¹⁴ Elyo kunselelo kwakaunka Muka. Nail, alubo. Mwabona? Waa kawizuka. Ezyo zyakali ziindi zyotatwe na kawizuka.

¹¹⁵ Elyo musimbi oyo wakeenda kuzwa awo, mu kaanda ako. Akunjila mu kaanda kakwe kakusamina, kalila, kasamide cikobela ca kimono cakwe, kaboola cibundaasule, kasakula masusu akwe. A nguwe. . . a oko mule- . . . Elyo janza lyakwe—lyakwe lyomwe lyakali lebukide, alyalo, ku lubazu lwa kululyo. Kasakula masusu akwe ajanza lyakwe elyo lyakalemene.

¹¹⁶ Uli kwetwe, ujisi cikama ca bana. Zina lyakwe, Ta ndizi zina lyakwe mbolibede lino. Pele bana Nail, uli onse inga wa kwaambila, Harold Nail.

¹¹⁷ Elyo ezyo zilengaano nzya bwini. [Kabeela katakwecintu aa teepu—Mul.] Inga ndabikka eco aku mutola ku bantu bakonzya kubamba mabbuku manji a zintu ezyo zyakacitika. Lino, obo mbwini, Mukwesu Vayle.

¹¹⁸ Ndiyo kakilwa; Ndili muntu. Ndili sikukakilwa, kuzwa kumatalikilo, alimwi ciiminizyo citakweankociya ca mulanda wa Kristo. [Kabeela katakwecintu aa teepu—Mul.]

¹¹⁹ [Mukwesu Vayle waamba, “Usipela Merrell?”—Mul.] M-e-r-r-e, ali obilo ma l. [“Ndali kuyeeya kuti akali boobo kunselelo okuya. Inzya.”] Sa nko kuliko konse, eyi lino? [“Nail wakali N-e-i-l?”] N-a-i-l. [“Brace, B-r-a-c-e?”] B-r-a-c-e, Ad, Ad Brace. [“Lino Ndi yeeya kuti Ndi bajisi boonse. Aniini buyo. Graham Shelling?”] Graham, G-r-a-h-a-m. [“Oyo ngu ‘n’ awo.”] S-n-e, obilo ma l, i-n-g. [“Oh, Snelling. Lino twa liziba.”] 

ZILENGAANO ZYA WILLIAM BRANHAM TNG60-0930
(Visions Of William Branham)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa muli Bwasanu kuseeni, Itwi 30, 1960, ku Campaign Office mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org